

capellam de Forverio ab Oliverio bonæ memorisæ quondam decano in fundo nostro in honore B. Mariæ virginis, et S. Thomæ Cantuariensis archiepisc. et martyris inchoatam... restituimus, etc. Datum Lugduni, Cœlestino papa III, imperante Henrico I, et regnante Philippo rege. Anno a passione memorati martyris vicesimo, et salutis 1192.

Transfretavit in Angliam an. 1194, teste Guillermo Neubrigensi, lib. v, cap. iii, *De rebus Anglicis.*

Demum sæculi negotiorum pertæsus et ad vitam contemplativam anhelans, abdicato sponte episcopatu, monasticam vitam anno saltem 1195, in abbatis Claræ-Vallensi amplexus est, ubi ad mortem usque cum maxima pietate et devotione perseveravit teste Rôgerio Hovedeno. Secessionis suæ causam aperit in epistola ad Glascensem episcopum, quæ sic inscribitur: « Venerabili domino et consacerdoti G. Dei gratia Glasc. episcopo, J. primæ Lugdunensis Ecclesiæ quondam archiepiscopus, nunc autem sacerdotum Christi minimus. » In ea vero sic loquitur: « Illud modicum vitæ quæ mihi Deo auctore præbetur, in pœnitentia et lacrymis transigere, et vita contemplativæ..... » dulcedinem « prægustare » decrevi: « necesse enim habui dum Lugdunensis archiepiscopatus honore fungebar, inilitæ sœularis honore implicari. Raptiores et sacrilegos, et stratarum publicarum violatores prosequi, et eorum munitiones demoliri; in quorum persecutione, non so-

A lum ipsorum malefactorum, sed etiam illorum quos deducebamus mortes aliquando contingebant. Unde..., suppliciter exoro, quatenus pro reatu meorum veniam intervenire dignemini. » Illum visitavit Hugo Lincolniensis episcopus dum Franciam peragraret, quod his verbis refert illius vitæ perantiquus codex: « Claram Vallam quoque visitavit: miserat siquidem Joannes Lugdunensis quondam archiepiscopus in occursum ejus venerabiles viros, obnoxie supplicans... ut olim desideratam præsentia suæ copiam exhiberet. Qui jam ævo gravis officio curæ pastoralis renuntiaverat, retentisque duntaxat jussu summi pontificis insignibus pristinis (imo, ut alibi legi, reservata annua xii librarum pensione) in illo cœnobio sacræ contemplationi sedulus vacabat. Scienti autem episcopo, quibusdam scripturis meditationis suæ negotia devovisset, respondit: Psalmorum meditatio sola jam penitus totum sibi me vindicavit. » Anno 1201 per ipsum Innocentio papæ suggesserunt Claræ-vallenses, ut orationes in missa decantandas in honorem S. Bernardi præscriberet. Consensit pontifex, et eas misit cum epistola « Joanni quondam Lugdunensi archiepisc. scripta, lib. v, epist. 160, » ex qua sumptum est caput: « Cum Marthæ-Extr. de celebratione missarum. » In charta Belli-joci diœcesis Trecensis, ex tabulario Claræ-Vallis, Joannes dicitur « quondam archiepiscopus » Lugd., et notatur ut superstes anno 1197.

JOANNIS DE BELMEIS

ARCHIEP. LUGDUN.

EPISTOLÆ ET DIPLOMATA.

I—VI.

Ad Thomam Cantuariensem archiepiscopum.
(Exstant inter epistolas Gilberti Foliot, Patr. t. CXC, col. 1022, 1023, 1028, 1030, 1031, 1035.)

VII.

Ad Gilbertum Londoniensem episcopum.
(Vide ibid., col. 1036.)

VIII.

Ad rectores Ecclesiarum. — Ut preces ad Deum fundant pro restitutione castri de Anglia quod Ricardus Aquitanæ dux et Pictaviensis comes usurpaverat.

(Du CANGE, Glossaire, V, 1304.)

Cum in oppressionibus et angustiis universis recurrentum sit ad illud singulare remedium divinum Jesum Christum, qui prout vult, prout placet, facit in perturbatione serenum, et in tempestate tranquillum: nos in oppressione qua nos et Ecclesia

C nostra Pictaviensis a nobili viro comite Pictavienst et suis recurrere volentes ad ipsum Dominum Je-sum Christum, cuius Ecclesiæ causam prosequimur in hac parte, districte præcipimus, sub poena excommunicationis, et in virtute obedientiæ firmiter injungentes, ut singuli Ecclesiarum rectores, quatenus non subjiciuntur ecclesiastico interdicto, exclamationem et pacem pro nobis et Ecclesia nostra singulis diebus Dominicis et festivis annalibus, faciant et dicant, prout inferius continentur; cuiusmodi formam recipient a decanis et archipresbyteris suis, vel vicariis eorumdem. Cantato vero Agnus Dei, antequam detur pax, dicat sacerdos flexis genibus: Ante sucratissimum corpus et sanguinem tuum, Domine Jesu Christe, mundi Redemptor accedimus, et nobis in necessitatibus nostris a te vivo et vero Deo misericorditer subrenire clamantes imploramus, ut nobilem virum comitem Pictavensem, et suos ac eos quorum consilio super te.

utitur, qui viribus suis confisi, Joannem episcopum A est. Verum ne sollicitudinem nostram omnino va-
nostrum et matrem Ecclesiam nostram Pictavensem
castro et castellania de Angla cum pertinentiis suis
per violentiam spoliarunt, et adhuc detinent spolia-
tos, nec competenter moniti volunt satisfacere præ-
missis, vel aliquo de præmissis, propter quod et Ec-
clesia nostra et tua... quam in honore beatorum apo-
stolorum Petri et Pauli fundasti, sedet in tristitia et
mærore, et non est qui consoletur eam nec liberet,
nisi tu, Deus noster, ipsius comitis et sociorum suo-
rum frangendo duritiam, ad viam et consilii sui
justitiae et veritatis inducas, et humiles ad restituendū
prædictis et priora Ecclesiae suæ jura, et satis-
faciendo de prædictis injuriis competenter. Exsurge,
inquam, in adjutorium episcopi nostri, et Ecclesie
Pictavensi, et clamori nostro aures pietatis tuæ in-
clina. Respondeatur, Amen. Conforta eos et auxi-
liare eis, Amen. Expugna impugnantes eos, Amen.
Frange duritiam eorum qui eos affigunt, Amen.
Prædictos autem comites et suos, ac consilium suum,
Domine, sicut scis, justifica in veritate tua, Amen.
Fac eos, prout tibi placet, recognoscere maleficia
sua, et libera prædictum episcopum et Ecclesiam
Pictavensem misericordia tua, Amen. Ne despicias
nos, Domine, clamantes ad te, Amen. Propter glo-
riam nominis tui, Domine, et misericordiam, qua ec-
clesiam prædictam fundasti, et in honore sanctorum
tuorum apostolorum Petri et Pauli sublimasti, visita
ipsam et episcopum ejus in pace, et erue eos a præ-
senti angustia, Amen. Tunc dicatur Psalmus cxxii :
« Ad te levavi oculos meos ; » quo dicto, dicat sacer-
dos capitulum : « Salvos fac servos tuos, Esto eis
turris fortitudinis ; » oratio : Hostium episcopi et
Ecclesie Pictavensis elide duritiam, et dexteræ tue
virtute prosterne, Amen. Cuni nos requisierimus,
et moneri fecerimus competenter nobilem virum
comitem Pictavensem, ut castrum et castellaniam
de Angla, de quibus per Adam baillivum suum in
Pictavia, et servientes suos nos fecit extra justitiam
dissaisiri cum suis pertinentiis, etc.

IX.

*Ad G. Glasœensem episcopum. — De temporali re-
gimine Ecclesie Lugdunensis. — Scripta post depo-
sum munus episcopale.*

(D. MABILLON, *Aralect.*, ed. in-fol., p. 478.)

Venerabili domino et consacerdoti G. Dei gratia
Glas. episcopo, J. primæ Lugdunensis Ecclesie
quondam archiepiscopus, nunc autem sacerdotum
Christi minimus, salutem in vero salutari.

Sicut vobis, bone frater, per priores litteras ve-
stras responderamus, scimus quidem multo pru-
dentiores et discretiores viros in redditu vestro,
quem prosperum fore desideramus, invenire poten-
tis, qui vobis super questionibus quas nobis pro-
posuistis, et alii, si quæ vobis forte occurrerint,
prudentius et plenius respondere poterunt, maxime
cum per civitatem Parisiensem viam vestram diri-
gere disposueritis : ubi multos tam divini, quam
humani juris peritos inveniri posse dubium non

cuam relinquamus, id quod majorum exemplo et
nostri quoque temporis experimento prosecuti
sumus, vobis pro modulo nostro respondere cura-
bimus.

Sedes illa archiepiscopal, in qua nunc pontificalis
honoris consecrationem recepistis, ubi per
aliquot annos, licet indigni, honore pontificali fun-
cti sumus; plenissimam habet jurisdictionem, quam
vos baroniam vocatis, tam infra terminos imperii,
quam regni Francorum; quia propria loci illius
parochia infra fines utrosque limitatur; nec existi-
mamus, quod alia facile inveniatur ecclesia, que
tantæ libertatis utrinque gaudet prærogativa. Noe
itaque impositi nobis honoris et oneris officio juxta
B consuetudinem antecessorum nostrorum hoc modo
utebamur. Habebam siquidem senescallum, cui sol-
licitudinem et curam forensium negotiorum com-
mittebam, qui pro negotiorum qualitate, non solum
causas pecuniarias pertractabat, sed et criminibus
et flagitiis pro consuetudine regionis puniendis
prærerat: ne, sicut in litteris vestris meministis,
pravis hominibus pro impunitate cresceret audacia
delinquendi. Cavebam tamen ne, si forte qualitas
culpæ aut suspendii poenam, aut membrorum de-
truncationem mereretur, aliquod ad me super hujus-
modi verbum perferretur. Ipse cum assessoribus
suis ejusmodi, quia me irrequiso diffiniebat;
sciebam procul dubio, quod ei et cognoscendi, et
diffiniendi auctoritatem præstabam; sed dissimulatio
me qualemque confidentiam accommodabat, quod viri sancti qui me in eadem sede præ-
cesserant, secundum hanc consuetudinem irrepre-
hensi processerant. Neque enim in orbe Latino
præter majorem nostram ecclesiam alicubi locorum
tot sancti martyres vel confessores inveniuntur,
quod facile deprehendere poteritis ex Martyrologio
venerabilis Bedæ presbyteri, vel successoris ejus
Oswaldi, qui catalogum sanctorum ex magna parte
ampliavit. Accessit autem ad ampliorem confiden-
tianam, quod præfectus urbis Romæ, qui puniendis
criminibus specialiter præest, præfecturæ suæ au-
toritatem a domino papa recipere dicitur. Unde
et in Dominica, qua cantatur *Lætare, Jerusalem,*

D expleta solemni processione, in qua rosam auream
idem summus pontifex circumportat, ipsum quasi
pro debiti executione eadem rosa remunerat. Ni-
hilominus (quod evidenter est) in civitate Bene-
ventana, quæ proprie ad mensam apostolicam portinet, Rectorem dominus papa ordinat, qui vel per
se ipsum, vel certe per cives ejusdem urbis confla-
gitia ejusdem loci punit, et purgat. Hujusmodi qui-
dem consolationibus utebar: sciens tamen quod,
si qui proventus ex ejusmodi causis accidebant, in
expensas meas conferebantur, deductio jure senescall
mei, cui tertia pars proventum pro sollicitudine
sua debebatur. Illud vero tam nos, quam anteces-
sores nostri diligenter attendebamus, quod is qui
ejusmodi exsecutioni deputatus fuerat, ad sacros

ordines deinceps non premovebatur. Heus! bone frater, ad primam quæstionem vestram respondimus, non diffinientes quid fieri debeat, sed quid fecerimus, cum aliquatenus scrupulosa vobis conscientia recognoscentes.

De cætero secundæ consultationi vestræ respondendum arbitrati sumus. Clerici, et maxime illi qui ad sacros ordines promoti sunt, districte prohibendi sunt, ne aut rapinas, aut furta sibi facta in foro sæculari prosequantur; vel, si omnino coerceri non poterunt, usque ad monomachiam, vel cædantis ferri, vel aquæ, vel aliquod hujusmodi examen nullo modo procedere audeant; qui si non acquieverint, et ejusmodi concitatione aut membrorum detruncatio, aut homicidia perpetrata fuerint, et officio et beneficio ecclesiastico privari merebuntur. Proponenda enim est eis auctoritas apostolica qua dicitur: *Quare magis non fraudem patimini?* Fraudem siquidem appellatam credimus, dampnum quod per fraudem vel malitiam alterius

A alicui irrogatum est. Hæc autem absque præjudicio melioris sane et senioris consilii vobis satls meticulose transcriptissimus. Propter supra memoratas causas, et nonnullas alias, quæ me gravius premebant; elegi, venerande Christi sacerdos, illud modicum vitæ, quæ mihi, Deo auctore, præbetur, in pœnitentia et lacrymis transigere, et vitæ contemplativæ (si fieri potest) dulcedinem prægustare. Necesse enim habui, dum Lugduncensis archiepiscopatus honore fungabar, militiæ sæcularis honore implicari. Raptiores et sacrilegos, et stratarum publicarum violatores armata manu proseQUI, et eorum munitiones et castella obsidere, succendere, et demoliri: in quorum persecutione non solum ipsorum malefactorum, sed etiam illorum quos deducebamus, mortes aliquando contingebant. Unde nunc pedibus sanctitatis vestræ, tanquam miser peccator, pròvolitus, suppliciter exoro, quatenus pro reatum venia intervenire dignemini. Bene valete.

CIRCA ANNUM MCCIII

HUGONIS V ABBATIS CLUNIACENSIS DECIMI SEPTIMI STATUTA.

(Bibliotheca Cluniacensis, pag. 1457.)

PRÆFATIO.

Venerabilibus et charissimis nostris abbatis, prioribus, monachis et conversis ad Cluniacum pertinentibus, frater Hugo humilis Cluniacensis abbas, salutem, gratiam et benedictionem.

Cum religionis sacræ primordia, a filiis prophetarum instituta, et ipso magno Joanne Baptista, et præclaris successoribus confirmata et ampliata ad nos usque decurrerint, satagendum nobis est ut pro excelsis patribus, filii veri nascantur ne si, quod absit! extra disciplinam facti fuerimus, degeneres et non filii reputemur; et non tantum splendorem imitemur auri, sed etiam vere aurum esse gaudeamus. Nunc autem, quod lugubres dicimus, non tantum aurum esse desinimus, sed insuper auri inutatus est color optimus, et dispersi sunt lapides sanctuarii in capite omnium platearum (*Thren. iv*), ipsis prælati qui positi sunt in exemplum vias sæculi incedentibus, et subditis versis in dissolutionem. Itaque cum, sicut dictum est, in religiosis et maxime in gloriose membro Ecclesiae, Cluniacensi videlicet coenobio, vel in membris ejus vir-

C tutis splendor obscuretur: nos cupientes ad honorem Dei nobis commissorum providere saluti, et nobis cavere a periculo, ne forte positi custodes, vineam nostram non custodierimus, ea quæ a patribus dudum sancita sunt, sed in parte per incircum deformata, sicut possibile est, intendimus reformare, ne, si nova vel gravia proferremus in medium, infirmos animos laderemus. Ad quod efficiendum, sanctissimi Patris nostri Innocentii tertii, summi pontificis provocamur exemplis: qui juxta datam sibi cœlitus sapientiam et gratiam inspiratam, statum monasteriorum ad se, nullo medio, pertinentium, circa spiritualia et temporalia partim dilapsum curat provida sollicitudine restaurare. In primis igitur ipsum honorantes cui beneplacitum est super timentes eum, et in eis qui sperant super misericordia ejus (*Psal. xxxii*), quæ ad ipsius nomem et gloriam pertinent tenenda constituimus, imo constituta proponimus, et quibus ipse offenditur, fortius et districtius iuhibemus, quod plus correspondum videtur, in capite proponentes.